

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKI NAČELNIK**



**Broj: 01-66/16**  
**Vareš, 31.03. 2016. godine**

Na osnovu člana 50. Zakona o principima lokalne samouprave u Federaciji BiH („Službene novine FBiH“ br. 49/06 i 51/09) i člana 22. tačka 12. a u vezi sa članom 116. Statuta Općine Vareš-prečišćeni tekst, broj: 01-162/12 od 11.09.2012.godine, na prijedlog Općinskog načelnika, Općinsko vijeće na 35. sjednici održanoj 31.03.2016. godine *donosi*:

**O D L U K U**  
**O**  
**SARADNJI I PARTNERSTVU**

Član 1.

Ovom se Odlukom uspostavlja saradnja i partnerstvo između Općine Oğuzeli – Gaziantep u Republici Turskoj i Općine Vareš u Bosni i Hercegovini.

Član 2.

Saradnja i partnerstvo iz člana 1. ove Odluke uspostavlja se potpisivanjem Sporazuma o saradnji i partnerstvu između Općine Oğuzeli – Gaziantep u Republici Turskoj i Općine Vareš u Bosni i Hercegovini.

Član 3.

Ovlašćuje se Načelnik općine Vareš i predsjedavajući Općinskog vijeća Vareš, da u ime Općine Vareš potpišu Sporazum o saradnji i partnerstvu i o istom obavijeste Općinsko vijeće.

Načelnik Općine će uputiti poziv predstavnicima Općine Oğuzeli – Gaziantep u Republici Turskoj da posjete Općinu Vareš i potpišu sporazum.

O provođenju Sporazuma Općinski načelnik će najmanje jednom godišnje izvijestiti Općinsko vijeće.

Član 4.

Ova Odluka stupa na snagu osmog dana nakon objavljivanja na Oglasnoj tabli Općine Vareš.

**PREDSJEDAVAJUĆI**  
**OPĆINSKOG VIJEĆA**

**Zdravko Marošević**

## **OBRAZLOŽENJE**

### **Pravni osnov**

Pravni osnov za donošenje ove Odluke sadržan je u odredbama člana 22. i člana 116. Statuta Općine Vareš-prečišćeni tekst, broj: 01-162/12 od 11.09.2012.godine, kojim je utvrđeno da Općina Vareš može uspostaviti trajnu prijateljsku saradnju i druge oblike saradnje sa lokalnim i regionalnim jedinicama drugih država u skladu sa općinskom odlukom.

O uspostavljanju saradnje odnosno sklapanja sporazuma o saradnji te sadržaju i oblicima saradnje odlučuje Općinsko vijeće, pod uslovima utvrđenim zakonom i ovim statutom.

### **Razlozi za donošenje Odluke**

Na osnovu inicijative od strane Općine Vareš i uz pomoć udruženja BIGMEW razmatrana je mogućnost uspostavljanja partnerstva i saradnje Općine Vareš sa nekom od općina u Turskoj. Općina Oğuzeli – Gaziantep u Republici Turskoj je prva prihvatila inicijativu i iskazala interes da uspostavi saradnju sa Općinom Vareš donošenjem Odluke o bratimljenju 01. 12. 2015. Godine.

Uspostavljanje partnerskih odnosa i saradnje sa Općinom Oğuzeli – Gaziantep u Republici Turskoj trebalo bi da rezultira razmjenom na kulturnom, sportskom i privrednom nivou što bi donijelo boljitak za obje zajednice.

**OPĆINSKI NAČELNIK**

**Kovačević Avdija, dipl. pravnik**